

四庫全書

經部

欽定四庫全書

周易述卷十三

元和惠棟撰

象下傳

山上有澤咸君子以虛受人注君子謂否乾乾為人坤

為虛艮為手謂坤虛三受上故以虛受人艮山在地

上為嫌在澤下為虛疏

此虞義也乾三為君子乾上之三故君子謂否乾乾為人

坤為虛亦謂否乾反坤也受以手故艮為手三本坤也坤為虛上之三是虛三受上故以虛受人也嫌咸二卦皆乾上之三嫌指乾上虧盈之義虛指坤三虛受之義故艮山在地下為嫌在澤下為虛也

咸其母志在外也注外謂四失位遠應之四得正故志
在外雖凶居吉順不害也注坤為順為害二本坤也
故順上之三坤體壞故順不害咸其股亦不處也志
在隨人所執下也注巽為處女男已下女故不處也
凡士與女未用皆稱處矣志在於二故所執下也貞
吉悔亡未感害也憧憧往來未光大也注坤為害初
四易位故未感害初往奔三故未光四來居初故未
大咸其脢志末也注末謂上五比上故志末咸其輔

頰舌腭口說也注腭送也不得之三故腭口說疏

謂外

至在外

此虞義也四在外卦故外謂四六居初而

應又遠故失位遠應之四得正謂與四易位則皆得

其正初利之四故志在外也

坤為至不害

坤順

說卦文坤為害虞義也坤柔順承天故順陰體賊害

故又為害也二在否家體坤故本坤也順於三故順

乾上之三坤體壞故不害也凡爻之情近而不相得

遠而不相應者則言害成家取女吉二氣感應以相

與故二曰順不害四曰未感害也

巽為至下也

此虞義也巽陽藏室故為處為長女故為處女女未

嫁稱處荀子曰處女莫不願得以為士今男已下女

故不處也士未見於君亦稱處士故士與女未用皆

稱處矣二隨人者也三志在二故志在隨人二又在

下故所執下也

坤為至未大初四不當位而相

應乾鑒度謂之失義失義則有害悔且吝是也初四

易位爻皆得正貞吉而悔亡故未感害也初往弇三
三為四弇故未光四來居初初陽尚小故未大也
未謂至志末爻例初為本上為末五比上上為末
故志未坎為志也 媵送至口說 此虞義也媵送
釋言文媵讀為騰燕禮曰媵觚於賓鄭彼注云媵送
也今文媵皆作騰是媵為古文騰也淮南子曰子產
騰辭上與五比而不應三故云不得之三鄭氏謂徒
送口語相感而已故媵口說本今作媵釋詁曰媵虛
也言以虛辭相
感義亦得通

雷風恒君子以立不易方注君子謂乾三坤為方初四

二五復位三正不動故立不易方疏

三本乾也故君子謂乾三坤為

方謂益互坤也方其義也終變成益則初四二五復
位三正不動故立不易方若然九三言不恒其德易

其方矣而象言不易者震巽特變故三不恒君子贊
化育故不易不易則載既濟定也此兼虞義虞以乾
初之坤四三不
易方義稍乖耳

澹恒之凶始求深也注初為始深謂陽四之初故始求
深九二悔亡能久中也注乾為久變之正故能久行
中和不恒其德无所容也注諸爻皆正三獨失位故
无所容久非其位安得禽也注四五皆失位故非其
位五已之正故不得禽婦人貞吉從一而終也注一
謂初終變成益以巽應初震故從一而終夫子制義

從婦凶也注巽為制坤為義震沒從巽入坤故從婦

凶震恒在上大无功也注終在益上乘五遠應故大

无功疏

初為至求深虞謂乾初為淵故深太玄曰夫一一所以摹

艾在初為始深謂陽虞義也

始而測深深知深亦謂初矣四陰之初非深而求深故

云始求深也

乾為至中和

此荀虞義也天行不

息故乾為久二失位變之正乃能久行中和之道久

猶恒也

諸爻至所容

虞云終變成益則初四二

五皆得正故諸爻皆正三變失位為匪人故无所容

四五至得禽

四五在恒家稱久而皆失位故久

非其位非謂常久失位也五已之正四當變承之故

云安得禽也

一謂至而終

此虞義也初九為元

元即一也故一謂初終變成益巽四正應震初故云

以巽應初震郊特牲曰壹與之齊終身不改故夫死

不嫁是從一而終之義所謂恒也 巽為至婦凶
巽德之制故為制管子曰天仁地義乾鑿度曰地靜
而理曰義故坤為義以乾制坤是制義也終變成益
震變為巽故震沒從巽中互坤故入坤坤為死故從
婦凶巽為婦也 終在至无功 此虞義也終變成
益故終在益上五多功五動上乘五遠應在三故大
无功也

天下有山遯君子以遠小人惡而嚴注乾三為君子

為遠為嚴坤為惡消陽及三為小人故以遠小人不

惡而嚴也疏

遯三為君子卦本乾也故曰乾三乾為
遠為嚴虞義也否三為小人遯陰消陽

及三君子道消小人道長天地閉
賢人隱故以遠小人不惡而嚴也

遯尾之厲不往何災也注坎為災艮體宜靜若不往於
四則无災也執用黃牛固志也注固者貞固坎為志
故曰固志係遯之厲有疾備也注備讀為憊畜臣妾
吉不可大事也注三動入坤陽稱大坤為事故不可
大事也君子好遯小人否也嘉遯貞吉以正志也

注三已變上來之三成坎故曰以正志飛遯无不利

无所疑也注坎心為疑疏

坎為至災也艮止故靜

遯者退也故不

往於四則无災也

固者至固志

釋詁云鞏固也

象辭小利貞正指二文言曰貞固足以幹事故固者

貞固坎心為志二志固故遂不為否也 備讀為憊
讀從公羊嘻甚矣憊之憊鄭注云備困也故讀從
之 三動至事也 此虞義也陽稱大坤陰小故不
可大事荀氏謂但可畜養臣妾不可任國家之大事
也 三已至正志 四之初三已變上又之三則五
體坎坎心為志五正應二故以正志也 坎心為疑
故坎心為疑 上之三體坎

雷在天上大壯君子以非禮弗履注夬履兩象易體夬

故非禮初為履四之正應初故非禮弗履疏

夬履兩象易虞

義也澤天為夬天澤為履故兩象易初至五體夬柔來
剛故非禮履者禮也初足為履四之正應初得所履
矣故非
禮弗履

壯于止其孚窮也注應在乾終故其孚窮九二貞吉以中也注中而不正之正則吉小人用壯君子罔也

藩決不羸尚往也注尚往者謂上之五喪羊于易位不當也注四五失位故不當不能退不能遂不詳也注乾善為詳不得三應故不詳也艱則吉咎不長也

注巽為長動失位為咎不變之巽故咎不長疏

應在至孚

窮此虞義也卦有兩乾故應乾四為乾之終故其孚窮也中而至則吉謂九二中而不正其言貞

吉者以其變之正故吉也乾鑿度曰九二陽不正是也尚往至之五此虞義也尚與上通四五至

不當 四五皆失位故不當四之五動各得正故无
悔也 乾善至詳也 此虞義也 詳古文祥釋詁云

詳善也 乾元善之長一乾以至三乾成為積善故云
乾善為詳上隔於四不得三應故不詳三體乾也

巽為至不長 此虞義也 巽為長說卦文上動失位
故為咎藩決難解守正應三不變之巽故咎不長也

明出地上晉君子以自昭明德 注君子謂觀乾乾為德

坤為自離為明 乾五動以離日自照故以自昭明德

也 疏

此虞義也 觀九五動觀我生君子无咎故君子謂
觀乾乾為照五動體離以離日自照故以自昭

明德

晉如摧如獨行正也 注初一稱獨動體震為行故獨行

正裕无咎未受命也注五未之巽故未受命受茲介
福以中正也注五動得正中故二受大福矣衆允之
志上行也注坎為志三之上成震故曰上行碩鼠貞
厲位不當也 矢得勿恤往有慶也注二往應五陽
稱慶維用伐邑道未光也注乾為道离為光動入冥

豫故道未光疏

初一至行正 此虞義也初即一也故曰初一一即獨也方言曰一蜀也

南楚謂之獨郭注云蜀猶獨也初為微為隱隱微獨也故初一稱獨四之初體震震為行故獨行正言變之正也 五未至受命 此虞義也四之五五體巽巽為命五未之巽故初未受命卦辭言錫初言未受

命者命錫自上五未之正故初未受命也 五動至
福矣 此九家義也二受介福於五故中正謂五
坎為至上行 此虞義也 二往至稱慶 二往應
五故云往五正陽位故往有慶 乾為至未光 上
體乾為道 離曰為光 豫上曰冥 豫動入
冥 豫乾離象毀故道未光 此兼荀義

明入地中明夷君子以莅衆用晦而明注君子謂三莅

臨也坤為衆為晦 離為明三上莅坤故以莅衆用晦

而明疏 君子謂三虞義也莅俗字說文作隸臨也臨
者以上臨下臨卦取象於二升五以臨衆陰

坤為衆三升五是莅衆也坤為晦 離為明三體離而
上臨坤其子之貞明不可息是用晦而明也言而明
者宣八年公羊傳曰而者何難也明
夷之世不可疾貞故言用晦而明也

君子于行義不食也注暗昧在上有明德者義不食祿
六二之吉順以則也注坤為順二得位應五故順以
則南守之志乃大得也注三居五據有羣陰故大得
入于左腹獲心意也注坎為亟心其子之貞明不可
息也注明謂乾陽道不絕故不可息初登于天照四
國也後入于地失則也注離日為照坤為四國坤五
失位不可疾貞故失則疏暗昧至食祿此荀義也
暗昧謂坤明德謂離坤二
之乾乾為德離為明初得位故有明德也坤為至
以則應在坤故坤為順三上居五二得位應五而

行中和故順以則凡久得位皆稱則也 三居至大
得 陽稱大三陽居五據有羣陰故云乃大得也言
乃者宣八年公羊傳曰乃難乎而亦不可疾貞之義
也 坎為亟心 坎為亟心說卦文荀氏云亟中也
三升五居中坎為中心故獲心意也 明謂至可息
乾為大明故明謂乾不言焉而言乾者其子之貞
謂乾也陽道不絕白虎通文雜卦曰明夷誅也馬融
注云誅滅也鄭注中庸云息猶滅也陽道不滅息而
復明故云明不可息也 離日至失則 離日為照
虞義也高象傳曰大人以繼明照於四方故為照也
坤為國乾鑿度曰陽三陰四故坤為四國萬日在上
故照四國明夷反晉坤五失位九三升五不可卒正
故失則謂
久失正也

風自火出家人君子以言有物而行有恒注君子謂乾

三三動震為言為行乾為物恒常也三動上反身故

以言有物而行有恒疏

遜三本乾故君子謂乾三三動體震震為言為行乾純粹

精故為物恒常也釋詁文三動上反身身修而后家齊故言有物而行有恒也

閑有家志未變也注坎為志剛來閑初故志未變六二

之吉順以巽也注巽順於五家人熯熯未失也婦子

喜喜失家節也注得位故未失動失正故失家節富

家大吉順在位也注順於五王假有家交相悉也注

震為交乾為愛三動受上六爻和會故交相愛威如

之吉反身之謂也注謂三動坤為身上之三成既濟

定故反身之謂此家道正正家而天下定矣疏坎為

變應在四四體坎為志四剛開初初志未變故悔

亡易傳所謂正其本是也吳順於五此九家義

也九家謂二居貞吳順於五故吉矣得位至家節

三雖嚴而得位故未失動失正家人體壞故失家

節上求之三則終吉矣順於五此虞義也四得

位而順於五故云順在位也震為至相愛震為

交乾為愛皆虞義也三動受上六爻和會而父子兄

弟夫婦各得其正人人親其親長其長而天下平是

交相愛之義也謂三至定矣此虞義也三動體

坤為身上之三言物行恒成既濟定故反身之謂塞

觀上反三亦云反身也上反三身正而正人故云

此家道正正家而天下定矣皆是既濟之事也

上火下澤睽君子以同而異注君子謂初巽為同二五

易位故以同而異疏

初得位故君子謂初巽為同謂无妄巽也二五易位无妄為睽

故以同而異也

見惡人以辟咎也注四復正故見惡人以辟咎遇主于

巷未失道也注動得正故未失道見輿曳位不當也

注三失位故不當无初有終遇剛也注動正成乾故

遇剛交孚无咎志行也注坎動成震故志行厥宗噬

膚往有慶也注乾為慶五變成乾故二往有慶遇雨

之吉羣疑亡也注物三稱羣坎為疑三變坎敗故羣

疑亡疏

四復至辟咎此虞義也初應在四四復正初得无咎无咎者善補過亦得兼四言也

動得至失道此虞義也二失位動得正故未失道廣雅曰巷道也故經言巷傳言道三失至不當

曰曳曰臂皆不正之象三失位故云位不當也動正至遇剛此以下皆虞義也動正成乾乾為剛故

遇剛謂與上易位上遇三也坎動至志行坎為志震為行坎動成震故志行也乾為至有慶虞

以五變為往具義未備故足成之物三至疑亡物事也物三稱羣謂見豕載鬼張弧三事也坎心為

疑三變之正坎象敗壞故羣疑亡言睽終則合也

山上有水蹇君子以反身修德注君子謂三坤為身五

乾為德三往蹇來反故反身修德陽在三進德修業

故以反身修德虞氏謂觀上反三故反身陸氏謂水

在山上終應反下故反身也疏

三得位故君子謂三升坤為身坎五本乾

故乾為德三往應上則歷坎險故往蹇反上據二故反身乾三進德修業故以反身修德三在蹇家修德以待時也虞氏以卦自觀來觀上反三故反身陸氏以水在山上失流通之性水無不下終應反下故反身虞說與彖傳不合

陸說近之亦未得也

往蹇來譽宜待時也注艮為時謂變之正以待四也王

臣蹇蹇終无尤也注尤過也二自五降退思補過故

終无尤往蹇來反內喜之也注內謂二陽稱喜往蹇

來連當位實也注陽稱實應在初初之正故當位實

大蹇朋來以中節也注五中和故中節往蹇來碩志

在內也利見大人以從貴也注坎為志內謂三五乾

為貴疏

艮為至四也故為時初往蹇變之正以待四之應故宜待

此虞義也艮動靜不失其時

時也俗本脫時尤過至无尤尤過釋言文彼文

作郵古文通退思補過孝經文升五降二故云退降

二得位繫上曰无咎者善補過也故終无尤內謂

至稱善內謂二虞義也二在內卦三陽稱喜三反

據二近而相得故內喜之也陽稱至位實易積

算曰陽實陰虛故陽稱實四應在初而三間之初變

之正終得其應故當位實 五中至中節 鄭氏曰
中和也中庸曰喜怒哀樂之未發謂之中發而皆中
節謂之和五居中行和故中節五中節故可以正邦
也 坎為至為貴 上體坎坎為志三內卦故志在
內虞注繫上曰乾高貴五故乾
五為貴三利見五故以從貴

雷雨作解君子以赦過宥罪注君子謂三伏陽出成大

過坎為罪入則大過象壞故以赦過二四失位皆在

坎獄中三出體乾兩坎不見震喜兌說罪人皆出故

以宥罪謂三入則赦過出則宥罪公用射隼以解悖

是其義也疏

此虞義也據三伏陽當出故稱君子三
出體乾成大過卦有兩坎坎為罪坎有

入義入則大過象壞故以赦過二四失位皆在坎獄
中三出成乾兩坎象壞外體本震故震喜互體為兌
故兌說罪人出獄之象故以宥罪六爻之義出乾入
坤三八而大過毀故赦過三出而坎象毀故宥罪卦
有赦過而無宥罪之象故引上六爻辭以證三出坎
毀之象故云是其義也又案卦本名解解者緩也月
令挺重囚挺有緩義
故以赦過宥罪也

剛柔之際義无咎也注體屯初震剛柔始交故无咎也

九二貞吉得中道也注動得正故得中道負且乘亦
可醜也自我致戎又誰咎也注臨坤為醜小人而乘
君子之器故可醜坤為自我以萬兵伐三轉寇為戎

艮手招盜故誰咎也解而母未當位也注初四失位

君子有解小人退也注陰爻皆正故小人退公用射

隼以解悖也注坎為悖三出成乾而坎象壞故解悖

疏

體屯至咎也

此虞義也

復初體屯屯彖傳曰剛柔

始交謂乾始交坤故无咎也

動得至中道

此

虞義也

五乾為道二上之

五動得正

而居中故云得

中道也

臨坤至咎也

此虞義也坤為醜義見上

乾為君子坤為車乾在坤上稱君子德車三陰乘坤

是小人而乘君子之器故可醜也坤為自我義亦見

上說卦曰為甲冑為戈兵故為戎坎寇寇離我經云

寇傳言戎五以離兵伐三故轉寇為戎變體艮艮為

手以艮手招盜故誰咎言无所歸咎也初四失位

初四失正故未當位四解初母則當位矣陰爻

至人退 五三初皆陰爻五初之正三出解悖陰爻皆正故小人退言小人化為君子也 坎為至解悖

此虞義也坎為獄為罪有罪入獄以其悖也故坎為悖三出射隼而去之兩坎象毀故云以解悖象傳

赦過宥罪之類是也

山下有澤損君子以徵忿懣欲注君子謂泰乾乾陽剛

武為忿坤陰吝嗇為欲損乾之初成兌說故徵忿懣

止也初上據坤艮為止故懣欲疏

此虞鄭劉義也乾為君子故君子謂

泰乾楚語曰天事武韋昭云乾稱剛健故武剛武之象有似於忿故云乾陽剛武為忿說卦曰坤為吝嗇說文曰欲貪欲也吝嗇之義近於貪欲故云坤陰吝嗇為欲徵讀為懲古文也震為懲損乾之初下體成

兌兌說也故徵忿鄭劉皆云憤止也乾初據坤體艮
艮止也故憤欲繫下曰損德之修也故以徵忿憤欲
也

祀事邁往上合志也注終成既濟謂二上合志於五也
九二利貞中以為志也注動體離中故中以為志一
人行三則疑也注坎為疑疑則不一故云三則疑損
其疾亦可喜也注疾不為害故可喜六五元吉自上
右也注兌為右上右五益三故自上右弗損益之大
得志也注離坎體正故大得志疏

終成至五也此
虞義也益上之三

故終成既濟坎為志二上合志於五初亦得其應矣
動體至為志 此虞義也二本坎爻動體離而居
中故中以為志 坎為至則疑 坎心為疑三人旅
行則不一故三則疑 疾不至可喜 繫下曰損以
遠害三上復為疾六爻得位正陽在上疾不為害故
可喜也 兌為至上右 兌為右右助也五以二簋
享上上右五益三成既濟太平之化行故自上下也
離坎至得志 此虞義也 離上三爻不正坎下三
爻不正既濟坎上離下離坎
體正坎為志故大得志也

風雷益君子以見善則遷有過則改注君子謂乾也上
之三離為見乾為善坤為過三進之乾四故見善則遷
乾上之坤初改坤之過體復象復以自知故有過則

改也疏

此虞義也乾謂否乾陽為君子故君子謂乾也相見乎离上失位之三得正體离故离為

見乾元善之長故乾為善坤積不善故為過四本坤三上之初則三進之乾四故見善則遷初本坤也乾上之初坤體壞故改坤之過初至四體復復初有不善未嘗不知知之未嘗復行故有過則改也

元吉无咎下不厚事也注坤為厚事下謂初上之初損

上益下故下不厚事或益之自外來也注乾上稱外

來益初也益用凶事固有之矣注三上失正當變是

固有之告公從以益志也注坎為志三之正有兩坎

象故以益志有孚惠心勿問之矣惠我德大得志也

注上之三成既濟定故大得志與損上九同義莫益

之徧辭也注徧周市也民所不與故云徧辭或擊之

自外來也注剝艮在上故自外來疏坤為至厚事

為厚陽在下故下謂初上之初損上之惠以益下故

下不厚事也乾上至初也此虞義也繫下云爻

象動乎內吉凶見乎外虞彼注云外謂上故云乾上

稱外謂否乾也自外曰來故云來益初也三上至

有之此虞義也三本陽位以柔居之則危而凶上

之三其剛勝故云是固有之坎為至益志此虞

義也坎心為志三之正成既濟故有兩坎象同心共

濟故以益志也上之至得志卦成於五上有惠

心下惠我德孚信著於上下既濟之功成故大得志

也徧周至徧辭徧周市也者孟氏義也虞氏傳

五世孟氏之易義與之上不之初坤民否閉同辭
不與故云徧辭剝艮至外來陰消至五為剝剝

體艮艮在上

故自外來

澤上於天夬注水氣上天決降成雨故曰夬君子以施

祿及下居德則忌注君子謂乾乾為施祿下謂剝坤

坤為衆臣以乾應坤故施祿及下乾為德剝艮為居

故居德則忌陽極陰生謂陽忌陰疏

水氣至曰夬陸績義也兌為澤

兌體坎象半見坎為水故水氣上天兌澤在上故決
降成雨以陽決陰故曰夬也君子至忌陰此虞

義也乾陽為君子天施地生故乾為施乾為福故為
祿旁通剝剝伏夬下故謂剝坤坤為衆為臣以乾應

坤謂應剝坤祿所以遠衆臣者是施祿及下也乾為龍德故為德艮為居故居德剛長乃終陽極於上則遺陰生於下故陽極陰生德不久居陽當忌陰故居德則忌也

不勝而往咎也注往失位應陽故咎也有戎勿恤得中道也注動得正應五故得中道君子夬夬終无咎也注上為終能愠不說故終无咎其行次且位不當也聞言不信聰不明也注以陽居陰故位不當四變坎為聰离為明不變應初故聰不明也中行无咎中未光也注為上所弇故未光與屯五萃五同義无號之

凶終不可長也注遘時巽為長至此陰道消滅倒長

為亡故終不可長疏

往失至咎也敵剛初往應四

此虞義也初四

有咎也

動得至中道

此虞義也四失位動得正

應五二五為中故得中道乾為道也上為至无咎

咎也

應在上故上為終三能愠不說不與上應故終无

咎也

以陽至明也四變有坎離象故坎為聰離

為明不變無坎象故聰不明言聽不聰則視亦不明

為上至同義五

五於上陽為陰

故未光五

所以未光者三五同決上三有愠故有凶而終无咎

五

五體乾五體兌故也屯五

萃五亦皆為陰所奔故同義也

象傳曰勿用取女不可與長也

但遘時巽始用事消

丙滅坤至復出震巽始无號息至夬陰道消滅終不

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

可長與遘不可與長相應說文長从月月倒亡也遘

時巽為長夫反邁也至此
消亡故云倒長為亡也

天下有風邁后以施命誥四方注后繼體之君邁陰在

下故稱后乾為施巽為命為誥復震二月東方邁五

月南方巽八月西方復十一月北方皆總在初故以

誥四方疏

此虞義也后繼體之君謂夏后氏也陽稱先王稱君子陰稱后泰坤女主故稱后此

邁陰在下故亦稱后也乾陽為施巽中命為命為誥

震方伯卦在二月故東方消息邁五月卦故南方巽

八月卦故西方復十一月故北方震謂復震巽謂邁

巽故總在初虞氏謂孔子行夏之時經用周家之月

夫子傳彖象以下皆用夏家月是故復為十一月邁
為五月矣誥鄭作誥云止也漢司徒魯恭釋此傳云

言君以夏至之日施命令止四方行者所以助微陰也此言助微陰與易例有違今不用也尋復象傳曰先王以至日閉關商旅不行后不省方遘傳云后以施命誥四方但復陽息之卦遘陰消之卦復閉關不省方所以助微陽之息也遘施命誥四方所以布盛陽之德也其諸易之例與

係于金剛柔道牽也注陰道柔巽為繩牽於二也苞有魚義不及賓也注義讀曰宜初係於二宜不及賓也其行次且行未牽也注在失失位故牽羊在遘得正故未牽也无魚之凶遠民也注復坤為民乾為遠遘時坤伏乾下故遠民九五含章中正也有隕自天志

不舍命也注中謂五正謂四巽為命欲初之四承已

故不舍命遘其角上窮吝也注位極於上无應於下

故上窮吝也疏

陰道至二也此虞義也初陰為柔為二所牽故云柔道牽也義讀至

賓也

中庸曰義者宜也義宜同物同音故義讀曰

宜初係於二陰不消陽故云義不及賓也

在夫至

牽也

此虞義也三在夫為四故失位為初所牽故

牽羊在遘得正故行未牽也

復坤至遠民旁通

復復坤為民坤伏乾下失位无應民衆不與故遠民

也中謂至舍命

九五得中故中謂五初之四得

正故正謂四五欲初之四承已故不舍命初體巽為

命也此兼虞義

位極至吝也九居上故位極於

上三上敵刚无應

於下故上窮吝也

澤上于地萃君子以除戎器戒不虞注君子謂五除修

戎兵也詩曰修爾車馬弓矢戎兵陽在三四為修坤

為器三四之正為戎兵甲冑飛矢坎為弓弧巽為

繩艮為石謂敕甲冑鍛厲矛矢故除戎器戒備也坎

為寇初坤為亂故戒不虞也疏

此虞義也卦唯五陽得正故君子謂五案

虞注卦辭云乾五為王謂觀乾也又虞注坎象傳云

在乾為大人在坎為君子今以乾五為君子者但三

四易位五在坎中故以君子謂五也姚信陸續王肅

皆云除猶修治故云除修戎兵也詩曰修爾車馬弓

矢戎兵者大雅抑篇文證治軍實亦云修也乾之九

三九四皆云進德修業故云陽在三四為修乾三不

中四不正故云修萃之三四當之正故亦云修也坤形為器三四之正體焉為甲冑為戎兵又為飛為矢故為戎兵甲冑飛矢坎為弓故為弓弧巽為繩直故為繩艮為小石故為石尚書棗誓曰善教乃甲冑又曰鍛乃戈矛厲乃鋒刃故為教甲鍛厲矛矢也鄭氏彼注云穀謂穿徹之謂甲繩有斷絕當使穀理穿治之謂焉之甲冑以巽繩穿治之故巽為繩矛矢以離火鍛之以艮石厲之故艮為石皆是修治之義故除戎器也戒備方言文坎為盜故為寇初乃亂乃萃坤反君道為亂故以戒不虞虞度也

乃亂乃萃其志亂也注坎為志初不之四故其志亂也引吉无咎中未變也注二得正故不變也往无咎上巽也注動之四故上巽大吉无咎位不當也注以陽

居陰故位不當萃有位志未光也注為上所弇故未

光齋咨涕洟未安上也注乘剛遠應故未安上疏坎

至亂也此虞義也初應在四三之四體坎為志初
失位不變故不之四相聚為亂故其志亂也二得

至變也此虞義也初三失位二獨得正居中應五
故不變也動之至上巽此虞義也四在巽體三

動之四故上巽也以陽至不當此虞義也凡言
无咎者皆宜有咎也四以陽居陰故位不當動之正

故大吉而无咎也為上至未光四以下皆承五
上獨乘剛三之四體离為光五為上弇故未光與也

五夫五同義也乘剛至安上此虞義也以陰乘
陽故乘剛三上敵應故遠應乘應皆失故未安上也

地中生木升注地謂坤木謂巽地中生木以微至著升

之象君子以慎德積小以成高大注君子謂三小謂

陽息復時復小為德之本至二成臨臨者大也臨初

之三巽為高二之五艮為慎坤為積故慎德積小以

成高大疏

地謂至象也木始生如蘖又曰種樹畜養不見其益有

此荀義也枚乘曰十圍之

時而大乾鑿度曰天道三微而成著故云地中生木以微至著升之象也君子至高大此虞義也三

在巽體三陽為君子故君子謂三升自臨來臨息於

復故云小謂陽息復時繫下曰復小而辨於物又云

復德之本也故云復小為德之本陽息初至二成臨

臨者大也序卦文臨初之三成升體巽故巽為高二

之五下體艮艮為慎上體坤故坤為積地中生木以

微至著故慎德積小以成高大也中庸言至誠無息

始於積云天地之道可壹而盡也其為物不貳則其生物不測不貳者一也故荀子曰并一而不貳所以為積也其下叙積義云今夫天斯昭昭之多及其無窮也日月星辰繫焉萬物覆焉今夫地一撮土之多及其廣厚載華嶽而不重振河海而不息今夫山一卷石之多及其廣大草木生之禽獸居之寶藏興焉今夫水一勺之多及其不測黿鼉蛟龍魚鼈生焉貨財殖焉鄭氏彼注云此言天之高明本生昭昭地之博厚本由撮土山之廣大本起卷石水之不測本從一勺皆合少成多積小至大為至誠者亦如此乎又曰詩云惟天之命於穆不已蓋曰天之所以為天也於乎不顯文王之德之純蓋曰文王之所以為文也純亦不已鄭彼注云天所以為天文王所以為文皆由行之無已為之不止如天地山川之云也易曰君子以慎德積小以成高大是與蓋天道與聖人始於一所謂不貳也漸於積所謂昭昭撮土卷石一勺

也成於不息所謂於穆不已純亦不已也上六云利於不息之貞二升五積小以成高大故云不息之貞此皆聖人微言七十子之大義也

統升大吉上合志也注上謂五二升五坎為志初變應四同心承五故上合志也九二之孚有喜也注升五得位故有喜升虛邑无所疑也注坎為疑二上得中故无所疑王用亨于岐山順事也注坤為順事五受命告祭四以陰承陽故曰順事也貞吉升階大得志也注陽稱大坎為志五下降二與陽相應故大得

志冥升在上消不富也注陰升失實故消不富疏上

至志也

五居尊位故上謂五二升五體坎為志初

變之正進與四應同心承五故上合志也升五至

有喜

此虞義也陽稱喜二升五得位故有喜也

坎為至疑

也此虞義也坎心為疑二上得中位乎

天位故无

所疑也坤為至事也坤順也又為事

故為順事

五享於岐山受命告祭四體坤為臣道承

事五陽故

順事也陽稱至得志陽大陰小故陽

稱大五下

降二二上居五二正應五故與陽相應二

五得正故

大得志也此兼荀義陰升至不富此

荀義也荀云陽用事為息陰用事為消陽實陰虛陰

升失實故

消不富也

周易述卷十三

欽定四庫全書

經部
周易述卷十四
五

詳校官給事中_臣丁雲錦

通政使司副使_臣莫瞻菴覆勘

總校官進士_臣繆琪

校對官中書_臣李奎

謄錄監生_臣徐紹城

欽定四庫全書

周易述卷十四

元和惠棟撰

象下傳二

澤无水困注水在澤下故无水君子以致命遂志注君

子謂三伏陽也否坤為致巽為命坎為志三八陰中

故致命遂志也疏

水在至无水

此王弼義也

君

子故君子謂三伏陽三陽入陰中故致命遂志六三既辱且危此君子小人之別也故曰困德之辨也

入于幽谷幽不明也注為陰所弇故不明困于酒食中

有慶也注陽稱慶中謂五二變應五故中有慶據于
蒺藜乘剛也注經言據傳言乘正名之義入于其宮
不見其妻不詳也注乾為詳應在上二之上乾體壞
故不詳來徐徐志在下也注下謂初坎為志雖不當
位有與也注初四失位故不當易而得位故有與剋
剛志未得也注坎為志无據无應故志未得乃徐有
說以中直也注中謂二五乾為直書曰平康正直利
用祭祀受福也注乾為福二受五福故受福傳曰祭

則受福困于葛藟未當也注謂三未當位應上動悔

有悔吉行也注謂三變乃得當位之應故吉行者也

䷗ 為陰至不明 此荀義也 陽稱至有慶 陽稱慶慶謂五也二在下中故中謂二二變受五福故

中有慶也 經言至之義 易例陰在下為陽所據稱據陽在下為陰所乘稱乘今三陰乘二陽稱據非

所據也故傳曰乘剛扶陽抑陰故曰正名之義也乾為至不詳 乾善為詳三應上上本乾也二之上

乾體壞故不詳 下謂至為志 初在下故下謂初初體坎故坎為志 初四至有與 初四皆失位故

不當易而得位陰陽相與故有與也 坎為至未得坎為志虞義也 无據无應而倪仇不安故志未得

此陸義也 中謂至正直 二變應五故中謂二五乾五為直中直猶中正書曰者鴻範文證二五為中

正也 乾為至受福 乾為福德故乾為福謂五也
二言享祀五言祭祀是五主祭而二受福故云二受
五福傳曰者闕文 謂三至應上 此虞義也應
在三三失位故謂三未當位應上 謂三至者也
此虞義也上乘陽故動悔變應三故有悔
唯三變得當位之應故吉行而无咎也

木上有水井注木上有水上水之象君子以勞民勸相

注君子謂泰乾也坤為民初上成坎為勞故勞民勸

相相助也謂以陽助坤疏

木上至之象

此王弼義也

水之象

君子至助坤

此虞義也泰乾三君子道

長故君子謂泰乾也泰五虛无君初之五故以陽助

矣坤

井泥不食下也舊井无禽時舍也注下謂初時舍於初
非其位也與乾二同義井谷射鮒无與也注五不應
二故无與井渫不食行惻也求王明受福也注噬嗑
震為行艮為求井甃无咎修井也注修治也四來修
初故修井寒泉之食中正也注中正謂二五元吉在

上大成也注初二已變成既濟定故大成也疏

下謂至同

義在下无應故不食初失位當與二易位故云時
舍於初非其位也乾九二亦失位當升九五時舍於
二故云同義也此兼虛義五不至无與陰陽相
感應曰與二五皆陽五不應二故无與物細微不能

動天地又失正不能相感應故云井谷射鮒无與也
噬嗑至為求據旁通也修治至修井修治

虞義也虞謂坤為上离火燒土為覽治象初為舊井
四來修初故云修井也中正至二五二已與初

易位得中得正故中正謂二五二五相應井為人用
故云寒泉之食中正也初二至成也此虞義也

既濟之功至上而成故
云元吉在上大成也

澤中有火革君子以治歷明時注君子遯乾也歷象謂

日月星辰也离為明坎為月离為日蒙艮為星四動

成坎离日月得正天地革而四時成故君子以治歷

明時疏

此虞義也遯九三君子故君子謂遯乾尚書
堯典曰乃命羲和欽若昊天歷象日月星辰

敬授民時故云歷象謂日月星辰也四動成既濟有兩坎兩離象故云四動成坎離蒙艮為時乾為治天地革而四時成故君子以治歷明時尋象辭言湯武革命改正朔亦革命之一事故取義於治歷明時也羣用黃牛不可以有為也注動而必凶故不可以有為

已日革之行有嘉也注嘉謂五乾為嘉四動二正應五故有嘉革言三就又何之矣注言尚未可革也改命之吉信志也注四動成坎故信志也大人虎變其文炳也注乾為大明四動成離故其文炳也君子豹變其文蔚也注蔚蔚也兌小故其文蔚也小人革而

順以從君也注蒙坤為順五乾為君初之上順從五

故順以從君疏

動而至有為此虞義也初得位元應四未之正故動而必凶言革而未

當故未可以有為也

嘉謂至有嘉

乾文言曰亨

者嘉之會也又云嘉會足以合禮故乾為嘉傳不言

乃革之明四已之正四動二正應五陰陽相應為嘉

二往應五故行有嘉也

言尚至革也

二已日乃

革之天道應矣三革言三就人事至矣然改命之吉

在四一爻此時尚未可以革故云又何之矣

四動

至志也

此虞義也四動成坎坎孚為信為志故信

志也

乾為至炳也

此虞義也說文曰炳明也五

體乾故乾為大明四動體离离為文明故其文炳也

蔚蔚至尉也

此虞義也倉頡篇曰蔚草木盛貌

廣雅曰茂也說文曰蔚草多貌蔚與蔚皆取茂盛之

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

義故云蔚蔚也九五陽稱大故其文炳上體兌兌小

故其文蔚蒙坤至從君五陽上陰陰當順五故
順以從君虞氏謂四變順五以四為小人尋四變陰
得位為君子而
云小人非也

周易述卷十四

欽定四庫全書

周易述卷十五

元和惠棟撰

繫辭上傳

天尊地卑君臣定矣卑高以陳貴賤位矣動靜有常剛柔斷矣方以類聚物以羣分吉凶生矣在天成象在地成形變化見矣注天地既分乾升坤降故乾坤定矣卑坤高乾也乾二升五坤五降二列貴賤者存乎位故貴賤位矣斷分矣乾剛常動坤柔常靜分陰分

陽故剛柔斷矣坤為方西南坤類故以類聚乾為物
物三稱羣乾三爻別于坤故以羣分乾生故吉坤殺
故凶則吉凶生矣天有八卦之象地有八卦之形在
天為變在地為化故變化見矣此天地之別也是故
剛柔相摩八卦相蕩鼓之以雷霆潤之以風雨日月
運行一寒一暑乾道成男坤道成女乾知大始坤化
成物注旋轉稱摩摩薄也蕩動也乾以二五摩坤成
震坎艮坤以二五摩乾成巽離兌故剛柔相摩八卦

相蕩鼓動潤澤也雷震霆艮風巽雨兌日離月坎寒
乾暑坤也男震坎艮女巽離兌大始元也復以自知
故知大始坤稱化承乾而成物故化成物此天地之
合也乾以易知坤以簡能易則易知簡則易從易知
則有親易從則有功有親則可久有功則可大可久
則賢人之德可大則賢人之業注霍然无為曰易聞
藏萬物曰簡從謂從陽坤二承乾故有親乾五據坤
故有功陰承陽故可久陽據陰故可大上賢人謂乾

五下賢人謂坤二也乾以日新為德坤以富有為業
此天地之德也易說易一名而含三義易也變易也
不易也易者以言其德也通精无門藏神无内光明
四通倏易立節虛无感動至誠專密此其易也變易
者其氣也天地不變不能通氣五行迭終四時更廢
此其變易也不易者其位也天在上地在下君南面
臣北面父坐子伏此其不易也易簡而天下之理得
矣天下之理得而易成位乎其中矣注易簡所以立

中和之本故天下之理得矣易謂坎離陽成位於五
五為上中陰成位於二二為下中故易成位乎其中

矣此天地之中和也傳首陳三義而終之以既濟易

之大義舉矣疏

天地至別也廣雅曰太初氣之始也生于酉仲清濁未分也太始形之

始也生於戌仲清者為精濁者為形也太素質之始也生于亥仲已有素朴而未散也三氣相接至于子仲剖判分離輕清者上為天濁重者下為地傳首言天尊地卑是天地既分之後輕清者上為天故乾升也濁重者下為地故坤降也乾鑿度曰乾坤相並俱生天地既分乾升坤降故乾坤定矣卑坤高乾者下傳云崇效天卑法地故知卑謂坤高謂乾坤自上降乾自下升故先言卑而後言高也虞注云乾高貴五

故乾二升五坤卑賤二故坤五降二下傳云列貴賤者存乎位故貴賤位矣必知乾二升五坤五降二者索乾鑿度曰陽爻者制於天也陰爻者繫於地也天動而施曰仁地靜而理曰義仁成而上義成而下上者專制下者順從故荀虞說易乾二例升五坤五例降二也若然乾升坤降為天地之合而云別者卑高陳貴賤位仍是天地之別也斷分虞義也乾剛坤柔乾動坤靜故乾剛常動坤柔常靜動為陽靜為陰動靜有常分陰分陽故剛柔斷矣坤為方說卦文西南得朋乃與類行故西南坤類方以類聚也乾純粹精故為物物三稱羣虞義也乾三爻皆陽物而與坤別物以羣分也乾生故吉坤殺故凶亦虞義也陽生陰殺陽吉陰凶故乾為生為吉坤為殺為凶也天有八卦之象者虞氏謂日月在天成八卦象震象出庚兌象見丁乾象盈甲癸象伏辛艮象消丙坤象喪乙坎象流戊離象就己故在天成象也地有八卦之形者

九家義也虞氏謂震竹巽木坎水離火艮山兌澤乾金坤土故在地成形也震雷巽風皆在天者尚傳曰百穀草木麗于地故震舉竹巽舉木也周禮考工曰天時變故在天為變下傳曰坤化成物故在地為化此亦虞義也樂記樂禮章引此傳曰天地之別也是言尊卑貴賤動靜類聚羣分在天在地之別異先王法之以制禮故云天地之別也旋轉至合也剛柔謂乾坤十二爻乾左旋坤右轉故云旋轉稱摩鄭注樂記云摩猶迫也薄有迫義故云摩薄一云薄入也謂陰陽相薄也鄭注樂記云蕩猶動也月令曰諸生蕩是也乾以二五摩坤成坎而互震艮故云成震坎艮坤以二五摩乾成離而互巽兌故云成巽離兌二五相摩而成八卦故剛柔相摩八卦相蕩也蕩俗作盪六經无盪字蓋始于後漢韓伯以為推盪俗訓也鼓者鼓動潤者潤澤震為雷艮為廷廷與霆通巽為風兌為雨謂兌澤為雨祭義云天時雨澤是也知

兌為雨者昭元年春秋傳曰天有六氣降生五味六氣陰陽風雨晦明也賈服之義以雨屬西方兌正秋西方之卦虞注小畜自我西郊云兌為西雨生于西故知兌為雨也為日坎為月乾為寒坤為暑鼓之潤之日月往來寒暑相推皆八卦相蕩之義此上虞義也荀氏云男謂乾初適坤為震二適坤為坎三適坤為艮以成三男也女謂坤初適乾為巽二適乾為離三適乾為兌以成三女也八卦相摩而成者變化之義天之道也相索而得者父母之義人之道也乾象傳曰大哉乾元萬物資始釋詁云元始也董子對策曰謂一為元者視大始而欲正本故知大始元也元初九也繫下曰復以自知故知大始大戴禮天圓云曾子曰吐氣者施而含氣者化陽施而陰化故知坤稱化謂連時也地道无成而代有終承乾而成物故化成物也樂記云地氣上膺天氣下降陰陽相摩天地相蕩鼓之以雷霆奮之以風雨動之以四時煖

之以日月而百化興焉蓋據此傳為言而云天地之
和也先王法之以作樂天地訢合故知為天地之合
也確然至易也繫下曰夫乾確然示人易矣虞
彼注云陽在初弗用確然無為不易世不成名故示
人易矣是確然無為故以易知也廣雅曰簡閱也桓
六年春秋傳曰大閱簡車馬也是簡閱同義又高誘
注淮南云閱總也越語范子曰唯地能包萬物以為
一說卦云坤以藏之是閱藏萬物故以簡能也陽用
精故曰知陰用其形故曰能也陽唱陰和故從謂
從陽隱以之顯故易知靜而從陽故易從親謂陰陽
相應乾易知則坤來承乾故有親五多功坤易從故
乾五據坤則有功陰承陽則順故可久坤用六利永
貞是也陽據陰則盛故可大陽稱大也乾鑿度坤二
為君子乾五為聖人今皆稱賢人者乾二升坤五坤
五降乾二由不正而變之正故稱賢人也乾以日新
為德坤以富有為業姚信義也繫下云富有之謂大

業日新之謂盛德彼注云乾為德兼坤則盛矣坤為業承乾則大矣窮神知化謂之盛德陽吉陰凶謂之大業而皆屬之二五故云賢人之德賢人之業也天地之德謂易簡也易說者乾鑿度文一名者一字也古曰名今曰字鄭易贊曰易一名而含三義易簡一也變易二也不易三也易者易簡也變易者天地之合也不易者天地之別也易簡天地之德故云易者以言其德也精精微也無門言尚渾淪未有門可出也下傳云藏諸用翼奉解云露之則不神故藏神藏于內元內言小也光明虛元也道元不通故光明四通俊健也乾健而易故俊易立節也元思元為感而遂通天下之故是虛无感動也誠者天之道故至誠乾其靜也專坤退藏于密是專密之義皆易簡之德故云此其易也太易者未見氣也太初者氣之始也故云變易者其氣乾二五之坤坤二五之乾始而亨也亨者通也故天氣不變不能通氣五行謂五氣也

迭更也更相終始故云迭終五行休王論曰立春乾廢立夏艮廢立秋巽廢立冬坤廢故四時更廢也此變易之義也不易者其位謂陰陽貴賤之位天在上地在下此陰陽之位也君南面臣北面父坐子伏此貴賤之位也皆不易之義是易有此三義也易簡至舉矣易簡一也亦中也以一持萬故立中和之本天下之理得之為德也易謂坎離參同契文謂坎五離二也陽成位于五五為上中陰成位于二二為下中荀義也一即中也坎離天地之心二五天地之中坎五離二成位于上下之中故云而易成位乎其

中矣二五為中相應為和故云天地之中和中庸曰致中和天地位焉萬物育焉此既濟之事三義謂天地之別天地之合天地之德也首陳三義而終之以既濟既濟即天地之中和此皆易之大義故云易之

大義
舉矣

聖人設卦注聖人謂庖犧觀象繫辭焉而明吉凶悔吝
注謂文王也八卦以象告故觀象而繫辭剛柔相推
而生變化注六爻之剛柔也一往一來曰推剛推柔
生變柔推剛生化是故吉凶者失得之象也注吉則
象得凶則象失悔吝者憂虞之象也注悔則象憂吝
則象虞變化者進退之象也注陽變為進陰化為退
剛柔者晝夜之象也注乾剛為晝坤柔為夜六爻之
動三極之道也注極中也三極謂天地人民受天地

之中以生故稱三極六爻兼三才而兩之者故六爻之動三極之道是故君子所居而安者易之象也注君子謂文王謂乾五之坤成坎月離日日月為象大有通比比艮為居坤為安故居而安者易之象也舊讀象誤作厚或作序非也所變而翫者爻之辭也注爻者言乎變者也翫習也謂乾五之坤坤五動則觀其變舊作樂字之誤是故君子居則觀其象而翫其辭注謂乾五動成大有以離之目觀天之象兌口翫

習所繫之辭故翫其辭動則觀其變而翫其占注謂
觀爻動也以動者尚其變占事知來故翫其占是以
自天右之吉无不利注謂乾五變之坤成大有有天
地日月之象文王則庖犧亦與天地合德日月合明
天道助順人道助信履信思順故自天右之吉无不

利也

聖人謂庖犧
謂文王繫辭

庖犧作八卦故聖人謂庖犧
繫下曰易之興也其當殷之末

世周之盛德邪當文王與紂之事邪帝王世紀曰文
王在羑里演六十四卦著七八九六之爻謂之周易
八卦以象告下繫文觀卦之象而繫之辭謂六十四
卦之辭也俗本脫悔吝今從虞氏六爻至生化

上言象謂三才之象此言剛柔相推發揮于剛柔而生爻故知六爻之剛柔也一往一來曰推何休義也繫下曰日往則月來月往則日來日月相推而明生焉寒往則暑來暑往則寒來寒暑相推而歲成焉故知一往一來曰推也陽稱變陰稱化陽來陰往則剛推柔生變陰來陽往則柔推剛生化也此虞義也文王觀爻之變化而繫之辭亦謂吉凶悔吝之辭也吉則至象失此虞義也失得謂得位失位也悔則至象虞此虞義也悔者憂之象既憂之則悔亡矣吝者虞之象不虞度則吝生矣陽變至為退此荀義也乾鑿度曰陽動而進陰動而退故陽變為進陰化為退也乾剛至為夜此荀義也乾剛坤柔雜卦文乾陽為晝坤陰為夜在納甲十五乾盈甲為晝三十陽滅藏為夜在消息復至乾為晝始至坤為夜也極中至之道鴻範曰建用王極周禮設官分職以為民極鄭氏皆訓為中三極鄭陸謂三才

故云天地人也知三極為天地人者周書小開武曰
三極一維天九星二維地九州三維人四虞亦以三
極為三才也民受天地之中以生成十三年春秋傳
文以五行言則五六為天地之中以遘復言則二至
為天地之中以四時言則春秋為天地之中以爻位
言則二五為天地之中民受之以生故稱三極天有
三才以地兩之為六畫故云六爻兼三才而兩之者
也陸績曰天有陰陽二氣地有剛柔二性人有仁義
二行故六爻之動三極之道此據說卦為言義亦同
也君子至非也此虞義也君子通于聖人文王
演易故君子謂文王乾五變之坤成大有大有通比
有坎夷象故坎月離日日月在天成八卦象故日月
為象文王演易而繫象辭故居而安者易之象也舊
讀象作厚厚字無說俗本作序虞皆不用故云非也
爻者言乎變者也謂三百八十四爻之辭也說文曰

翫習厭也故云翫習也乾五之坤失位當變故坤五動則觀其變舉一爻而三百八十四爻之辭可知也俗本變作樂虞所不用故云字之誤也謂乾至其辭此虞義也乾五之坤成大有大有上離下乾離為目乾為天故以离目觀天之象謂天三爻之象五又體兌兌為口又兌以朋友講習故以兌口翫習所繫之辭也謂觀至其占此虞義也乾五之坤坤五動故謂觀爻動也九六發動揮變故以動者尚其變乾以知來乾動成離占事知來故翫其占謂翫三百六十四爻吉凶悔吝之占辭也謂乾至利也此虞義也乾五之坤成大有大有乾為天离為日比坤為地坎為月故有天地日月之象文王則庖犧亦有聰明睿知神武之德故與天地合德日月合明乾坤坎离反復不衰故自天右之吉无不利天道助順以下上繫文也

彖者言乎象者也注在天成象象說三才故言乎象者
也爻者言乎變者也注爻有六畫謂九六相變故言
乎變者也吉凶者言乎其失得也注得正言吉失正
言凶悔吝者言乎其小疵也注疵瑕也小猶介也无
咎者善補過也注失位為咎變之正故善補過孔子
曰退思補過是故列貴賤者存乎位注五貴二賤齊
小大者存乎卦注齊猶正也陽卦大陰卦小卦列則
小大分故曰齊小大者存乎卦辯吉凶者存乎辭注

辯別也陽吉陰凶繫辭焉而明吉凶故辯吉凶者存
乎辭憂悔吝者存乎介注介纖也纖介不正悔吝為
賊故憂悔吝者存乎介震无咎者存乎悔注震動也
有不善未嘗不知知之未嘗復行无咎者善補過故
震无咎者存乎悔是故卦有小大辭有險易辭也者
各指其所之注陽易指天陰險指地聖人之情見乎

辭故各指其所之疏

在天至者也
三才謂天三爻

此虞義也
爻有至者也
象說

變

此虞義也
六畫稱爻爻之九六

陰陽相變故言乎

疵瑕至介也
疵

瑕馬義也下云憂悔吝者存乎介介纖介故云小猶介也疵雖小猶當慎之故云悔吝者憂虞之象也失位至補過此虞義也王弼略例曰凡言无咎者本皆有咎者也防得其道故得无咎咎在失位故云失位為咎變而之正猶過而能改故云善補過孔子曰退思補過孝經及宣十二年春秋傳文五貴二賤上傳卑高以陳貴賤位矣虞注云乾高貴五坤卑賤二謂九五六二也貴賤之義不一若陽貴陰賤則爻在下者亦得言貴如屯初九傳曰以貴下賤大得民也謂初得坤民是以陽爻為貴也若陽而无德雖居正位翻蒙賤稱故頤初九傳曰觀我朵頤亦不足貴是也若本皆陽位則上貴下賤如三為下體之君對五而言亦為賤故下傳云三多凶五多功貴賤之等是也今傳云存乎位則不專指爻之貴賤但卦以二五為主五陽為貴又在君位二陰為賤又在臣位故云五貴二賤也齊猶至乎卦此王肅義也

詩小宛曰人之齊聖毛傳云齊正也陽大陰小故陽卦大陰卦小陳列卦象有小有大以六十四卦言之則陽息為大陰消為小如臨陽息之卦臨者大也是臨為大卦也遯陰消之卦遯小利貞是遯為小卦也泰小往大來泰為大卦否大往小來否為小卦如此之類不可悉舉又小畜大畜小過大過大有大壯諸卦皆以大為陽小為陰正其小大截然不紊故云齊小大者存乎卦也 辯別至于辭 辯別虞董姚義也陽生故吉陰殺故凶聖人繫辭于各爻之下以明吉凶故云辯吉凶者存乎辭也 介纖至于乎介 介纖虞義也纖介不正悔吝為賊參同契文彼正用傳義故引之 震動至乎悔 此虞義也復時坤亂于上故有不善復以自知故未嘗不知知之未嘗復行也 陽易至所之 此虞義也卦有大小承上齊大小者存乎卦言也辭有險易承上辯吉凶者存乎辭言也京氏云易善也險惡也乾為善故陽易指天坤

為惡故陰險指地聖人之情見乎辭下傳文太元曰
辭以觀乎情謂善惡之辭也之謂升降往來指天辭
易指地辭險故
各指其所之也

易與天地準故能彌綸天下之道注準同也彌大綸絡
也謂易在天下包絡萬物以言乎天地之間則備矣
故與天地準也仰以觀於天文俯以察於地理注陽
動于上以成天文陰動于下以成地理是故知幽明
之故原始反終故知死生之說精氣為物游魂為變
注幽明雌雄也雄生酉仲雌生戌仲始謂乾初終謂

坤上原者元也原始反終謂隨天地終始也死命生
性說舍也精氣生舍游魂死舍此鬼神之本也是故
知鬼神之情狀與天地相似故不違注乾坤似天坤
鬼似地聖人與天地合德鬼神合吉凶故不違知周
乎萬物而道濟天下故不違注坤為知謂土爰稼穡
萬物致養德博而化食穀者知惠而巧故知周乎萬
物乾為道乾制坤化陽升陰降成既濟定故道濟天
下六爻皆正故不過也旁行而不留注旁行周六十

四卦月主五卦爻主一日歲既周而復始故不留也
樂天知命故不憂注震為樂乾為天巽為命謂從復
至遯也坎為憂出乾入坤不見坎象故不憂安土敦
乎仁故能愛注坤為安為主乾為仁為愛謂從遯至
復也以坤厚乾仁道博施故能愛範圍天地之化而
不過注範法也圍周也言乾坤消息法周天地而不
過十二辰也辰日月所會之宿謂諏訖降婁大梁實
沈鶉首鶉火鶉尾壽星大火析木星紀元枵之屬是

也曲成萬物而不遺注二篇之筮萬有一千五百二十曲成萬物無遺失也通乎晝夜之道而知注晝乾夜坤也通于乾坤之道无所不知也故神无方而易无體注乾為神為易坤為方為體乾在坤初故无方

隱初入微故无體疏

準同至準也

此虞義也京云準等也等有同義故云準同也

京云彌徧也揚子解難曰天麗且彌故云彌大也解難又云宓犧氏之作易也縣絡天地經以八卦故云綸絡也乾鑿度曰易為道苞籥故云易在天下包絡萬物以言乎天地之間則備矣下傳文易之為書廣大悉備言該備三才故云備矣是與天地準之義也陽動至地理 吳君高越紐文也陽動于上謂乾

三畫也陰動于下謂坤三畫也乾三畫成天又坤三畫成地理呂氏春秋曰陰陽變化一上一下合而成章章即天文地理也幽明至本也幽明雌雄也三朝記文彼文云虞史伯夷曰明孟也幽幼也明幽雌雄也詩推度災及乾鑿度曰雄生酉仲號曰太初雌生戌仲號曰太始雄生物魂號曰太素俱行三節宋均注云節猶氣也俱行自酉戌行至亥雌雄俱行故能含物魂而生物也推度災又曰陽本為雄陰本為雌物本為魂宋均注云本即原也變陰陽為雄雌魂也乾知大始故始謂乾初坤道代終故終謂坤上元原同義故云原者元也隨天地為終始董子繁露文彼文云元者原也具義隨天地為終始也死命生性呂氏春秋恃君覽文性者生之始命者人之終故死生為性命太玄曰一生一死性命瑩矣又曰察性知命原始見終說舍宋衷義也說讀為稅故云舍越紐錄曰神主生氣之精魂主死氣之舍故云精氣生

舍游魂死舍虞氏云乾純辟精故主為物夏小正曰
魂者動也乾流坤體變成萬物故游魂為變鄭氏云
精氣謂七八游魂謂九六七八木火之數九六金水
之數水火用事而物生故曰精氣為物金水用事而
物變故曰游魂為變義並同也云此鬼神之本者鬼
神之本即易之本易之本即道之本也史記賈生傳
曰孝文帝方受釐坐宣室上因感鬼神事而問鬼神
之本賈生具道所以然之狀至夜半文帝前席既罷
曰吾久不見賈生自以為過之今不及也何休案禮
天子為卿前席大夫興席士式几賈生大夫也孝文
以卿禮禮之重具言也漢之賈生董子能明道本故
劉向別錄稱此兩人有王佐之才雖伊呂無以加莞
晏之屬相者之佐殆不及也其言甚當使文武二君
能用賈董漢家治道必無襍霸之譏子歆及曾孫龔
猥以向言為過豈為篤論乎乾坤至不違此虞
義也乾為神為天故乾坤似天坤為鬼為地故坤鬼

似地聖人即大人也故王肅曰大人聖人在位之目是也與天合德謂居五與地合德謂居二乾坤合吉坤鬼合凶故與鬼神合吉凶天且弗違而况于鬼神是不違之義也坤為至過也坤為知虞義也坤為土故土爰稼穡穡所以養人故萬物致養越紐錄曰地生長五穀持養萬物功盈德博故德博而化謂坤受乾施養物故德博也食穀者知惠而巧大戴禮易本命文坤以五穀養萬物食穀者知故知周乎萬物也乾為道亦虞義也陽道制命坤化成物故乾制坤化乾二升坤五降乾陽升陰降成既濟定故道濟天下也過過失六爻皆正而无過失故不過也旁行至留也此九家義也消息六十卦合四正為六十四卦謂如十一月未濟蹇頤中孚復是月主五卦也一卦六日七分七分閏餘是又主一日也六十而一周六六三百六十日故云歲既周而復始不留者運不止也俗本流今從京氏震為至不憂

荀云坤下有伏乾為樂天謂乾伏坤初為震震為樂
初九乾也故乾為天是樂天也荀又云乾下有伏巽
為知命謂巽伏乾初巽為命故知命乾初出子復時
也巽陰消乾謂遘時故云謂從復至遘也坎加憂故
為憂出乾為復入坤為遘十二消息无坎象故不憂
猶言出入无疾也坤為至能受坤陰為安故月
令仲夏稱晏陰當遘時遘坤消之月故云土復乾息
之卦故云仁敦厚也以坤厚乾故云敦仁乾仁博施
故能愛也範法至是也此九家義也釋詁云法
範常也法範同訓故云範法也圍古作口見已酉戌
命彛說文曰口回也象回市之形故云周也乾坤消
息謂消息十二爻十二爻而暮一歲故法周天地十
二爻主十二辰故不過十二辰也昭七年春秋傳曰
日月之會是謂辰杜預云一歲日月十二會所會謂
之辰皇甫謐帝王世紀曰自危十七度至奎四度曰
諏訾之次於辰在亥謂之大淵獻斗建在寅自奎五

度至胃六度曰降婁之次於辰在戌謂之闇戌斗建
在卯自胃七度至畢十一度曰大梁之次於辰在酉
謂之作蓋斗建在辰自畢十二度至東井十五度曰
實沈之次於辰在甲謂之涪灘斗建在巳自井十六
度至柳八度曰鶉首之次於辰在未謂之叶洽斗建
在午自柳九度至張十七度曰鶉火之次於辰在午
謂之敦牂斗建在未自張十八度至軫十一度曰鶉
尾之次於辰在巳謂之大荒落斗建在申自軫十二
度至氐四度曰壽星之次於辰在辰謂之執徐斗建
在酉自氐五度至尾九度曰大火之次於辰在卯謂
之單閼斗建在戌自尾十度至斗十度曰析木之次
於辰在寅謂之攝提格斗建在亥自斗十一度至婺
女七度曰星紀之次於辰在丑謂之赤奮若斗建在
子自婺女八度至危十六度曰玄枵之次於辰在子
謂之困敦斗建在丑凡天有十二次日月之所躔鄭
氏謂辰與建交錯實處如表裏然漢書律歷志曰上

衡杓建天之綱也。日月初躔星之紀也。綱紀之交以
原始造設合樂用焉。案斗柄所建十二辰而左旋日
體十二月與月合宿而右轉表裏言合也。即合辰合
聲之法也。子丑之等十二辰在地。娵訾之等十二次
在天。此言天地之化故舉十二次也。二篇至失也。
此荀義也。二篇謂上下經六十四卦之策共萬有
一千五百二十當萬物之數。曲成萬物謂易曲成之
无遺失也。易即道也。越紐錄曰：道者天地先生不知
老曲成萬物不名巧故謂之道是也。畫乾至知也。
此荀義也。乾陽為晝坤陰為夜故云畫乾夜坤晝
知天地則契道之全故云通于乾坤之道无所不知
也。乾為至无體坤與易皆謂乾初方方隅也。乾
神圓故无方太玄曰終始連屬上下无隅是无方之
義也。乾鑿度曰三微而成著三著而成體易隱初入
微故无體也。

一陰一陽之謂道注易說一陰一陽合于十五之謂道
七八九六合天地之數乃謂之道繼之者善也成之
者性也注乾為善三氣相成合于一元元者善之長
也故繼之者善也坤合乾性養化成之故成之者性
也仁者見之謂之仁知者見之謂之知百姓日用而
不知故君子之道匙矣注乾為仁坤為知乾為百坤
為姓見仁見知賢知之過日用而不知愚不肖之不
及也知仁合乃為君子之道顯諸仁藏諸用鼓萬物

而不與聖人同憂盛德大業至矣哉注乾為仁離日
麗乾故顯諸仁坤為用巽陽藏室故藏諸用萬物出
乎震震為鼓故鼓萬物乾五為聖人體坎為憂震初
獨行故不與聖人同憂乾為德兼坤則盛矣坤為業
承乾則大矣窮神知化謂之盛德陽吉陰凶謂之大

業至哉坤元故至矣哉疏

易說至之道
鑿度文彼文云

易說者乾
陽以七陰

以八易一陰一陽合于十五之謂道陽變七之八陰
變八之六亦合于十五參同契曰七八數十五九六
亦相應四十合三十陽氣索滅藏又曰日合五行精
月受六律紀五六三十度度竟復更始三統歷曰十

一而天地之數畢十一者五六也五六三十而天地之數畢故云七八九合天地之數乃謂之道太玄曰陰陽該極乃道之合是也乾為至性也乾為善乃乾元也三統歷曰太極元氣函三為一三謂酉戌亥故云三氣相承合于一元謂太初太始太素之氣也三統歷又云元者善之長也共養三德為善孟康漢書注云謂三統之微氣也當施育萬物故謂之德三統歷又云元體之長合三體而為之原故曰元三統合于一元是其義也坤合乾性以下虞義也乾為性坤化成物故云坤合乾性養化成之天生之而地成之坤成乾性故云成之者性也乾為至之道中庸曰子曰道之不行也我知之矣知者過之愚者不及也道之不明也我知之矣賢者過之不肖者不及也人莫不飲食也鮮能知味也乾為仁仁者見之謂之仁是過乎仁也坤為知知者見之謂之知是過乎知也故曰賢知之過也百姓日用而不知是不

及仁不及知者故曰愚不肖之不及也日用而不知
猶飲食鮮知其味也一陰一陽者道之全也仁陽知
陰仁知合乃為君子之道故大戴禮誥志曰子曰知
仁合而天地成天地成而庶物生是也匙與鮮同說
文曰匙是少也匙俱存也从是少賈侍中說乾為
至矣哉必知顯為離者比九五曰顯比虞彼注云
初三以變體重明故顯比謂顯諸仁故知顯為離也
古文顯作𣎵說文曰从日中視絲離為日坤二五之
乾為離故云離日麗乾顯諸仁也巽一索而得坤初
坤為用初陽伏巽下故巽陽藏室藏諸用也翼奉引
此傳云露之則不神獨行則自然是也萬物出乎震
震雷為鼓動萬物者莫疾乎雷故鼓萬物乾五為聖
人五坎爻故體坎為憂震初為道本初微獨行樂則
行之故不與聖人同憂一陰一陽乃道之全故陽不
兼坤則微兼坤則盛矣謂二升五也陰不承乾則小
承乾則大矣謂五降二也以坤變乾謂之窮神以乾

通坤謂之知化窮神知化德之盛故謂之盛德天道有吉而有凶聖人順天而制作故謂之大業而盛德大業之本則藏於坤之元中庸引詩所謂上天之載无聲无臭至矣是也此論道之全而並舉坎離震巽者易謂坎離坎離者既濟也震巽者既濟之本也乾初一陽震也震伏巽下藏諸用所謂誠也誠不可揜故出乎震而鼓萬物顯諸仁而同民患盛德大業本乎元故至矣哉此聖人微言也故荀子曰積微月不勝日時不勝月歲不勝時凡人好敖慢小事大事至然後興之務之如是則常不勝夫敦比於小事者矣是何也則小事之至也數其縣日也博其為積也大至之至也希其縣日也淺其為積也小故善日者王善時者霸補漏者危大荒者亡故王者敬日霸者敬時僅存之國危而威之霸者之善著可以時託也王者之功名不可勝日志也財物貨寶以大為重政教功名反是能積微者連成詩曰德輶如毛民鮮克

舉之此之謂也此言盛
德大業本于元之義也
富有之謂大業日新之謂盛

德生生之謂易成象之謂乾
爻法之謂坤極數知來
之謂占通變之謂事陰陽
不測之謂神注此四十六
字後師所訓坤為富一消
一息萬物豐殖故謂之大
業乾五動之坤成禹禹為
日以坤變乾以乾化坤窮
神知化故謂之盛德易謂
太極太極生兩儀兩儀生
四象四象生八卦故生生
之謂易三才成八卦之象
故成象之謂乾效三才為
六畫故爻法之謂坤極六

畫之數占事知來故謂之占變通趣時以盡利天下

之民謂之事業故謂之事陰陽在初深不可測故謂

之神䟽

此一章皆聖人微言上義已盡故知此下四十六字後師所訓也上云盛德大業故云富

有之謂大業日新之謂盛德上云所居而安者易之象也故云成象之謂乾所變而翫者爻之辭也故云爻法之謂坤上云動則觀其變而翫其占故云極數知來之謂占通變之謂事上云神无方而易无體故云生生之謂易陰陽不測之謂神

夫易廣矣大矣注乾象動直故大坤形動闢故廣以言

乎遠則不禦注禦止也遠謂乾天高不禦也以言乎

邇則靜而正注邇謂坤坤至靜而德方故正也以言
乎天地之間則備矣注謂易廣大悉備有天地人道
焉故稱備矣夫乾其靜也專其動也直是以大生焉
注專謂初直謂二二動升坤五直方大是以大生焉
夫坤其靜也脣其動也辟是以廣生焉注脣閉謂上
也以坤脣乾閉塞而成冬故其靜也脣辟開謂五也
動降乾二坤道廣布是以廣生焉廣大配天地注乾
天地故配天地變通配四時注變通起時謂十二

消息也泰大壯夬配春乾遯配夏否觀剝配秋坤
復臨配冬謂十二消息相變通而周于四時也陰陽
之義配日月注復七日來復陽之義配日臨八月有
凶陰之義配月荀氏謂乾舍于離配日而居坤舍于
坎配月而居也易簡之善配至德注易簡元也於人
為至德坤為至乾為德故以配至德疏乾象至故廣此虞義也
在天成象故曰乾象在地成形故曰坤形義見下也
禦止至禦也此虞義也釋言曰禦禁也禁有止
義故曰止也虞注嘽象曰天道遠故遠謂乾天形穹隆其色蒼蒼故云天高不禦也過謂至正也此

虞義也。通古文通近也。揚子法言曰：聖人之言速如天，賢人之言近如地。地界故通謂坤至靜而德方，即下靜翕而動闢陰開為方，辨方正位，故正也。謂易至備矣。此虞義也。易有三才，故云天地之間樂記樂禮章曰：樂著大始而禮居成物，著不息者天也，著不動者地也。一動一靜者，天地之間也。鄭彼注云：間謂百物是天地之間，謂人物也。云易廣大悉備，有天地人之道焉者，虞約下繫文言之以證天地之間為三才也。易備三才，故云備矣。專謂至生焉。說卦曰：震為專，虞彼注云：陽在初隱靜未出觸坤，故專則乾靜也。專是專謂初也。坤六二直方大，虞彼注云：謂二陽稱直，乾其動也直，故曰直是直，謂二也。乾二敬以直內而升坤五敬義立而德不孤，是以大生也。宵閑至生焉。宵，古文翕。宵閑，宋衷義也。坤義以方外，故知宵謂上也。坤上六消乾至亥，故以坤宵乾月令孟冬曰：天地不通，閉塞而成冬，故其靜也。宵辟，古文

闢虞注坤六二云方謂辟陰闢為方五降乾二以乾
闢坤其道廣布是以廣生也乾天至天地乾大
坤廣乾為天坤為地易與天地準故配天地也變
通至時也下繫云變通者趣時者也時謂四時變
通謂乾坤通變十二消息即十二辟卦也泰大壯夫
春時卦故配春乾遯遯夏時卦故配夏否觀剝秋時
卦故配秋坤復臨冬時卦故配冬以卦氣言之四正
為四時震主春離主夏兌主秋坎主冬故十二消息
相變通而周于四時也復七至居也陽息稱日
陰消稱月詩七月一之日二之日三之日四之日皆
陽息之月故稱日五月斯蠡動股六月莎雞振羽七
月在野八月在戶皆陰消之月故稱月復七日來復
陽息稱日臨八月有凶八月謂遯陰消稱月故陰陽
之義配日月也荀氏據鬼易乾歸合離故云乾舍于
離離為日故配日而居坤歸合坎故云坤舍于坎坎
為月故配月而居也易簡至至德乾以易知坤

以簡能皆謂乾坤之元故云易簡元也在天為至道
在人為至德故禮運曰天道至教聖人至德中庸曰
苟不至德至道不凝焉是也坤為至乾為德虞
義也自至德以凝至道故易簡之善配至德也

子曰易其至矣乎注易謂坎離坎上離下六爻得位而

行中和故其至矣乎子曰中庸具至矣乎夫易聖人
所以崇德而廣業也注崇高也乾為崇坤為廣乾二
居五為崇德坤五居二為廣業知崇體卑崇效天卑
法地注乾以易知故知崇正位居體故體卑崇效天
五卑法地二天地設位而易行乎其中矣注位謂六

畫之位乾坤各三爻故天地設位易出乾入坤上下
无常周流六虛故易行乎其中矣成性存存道義之
門注成之者性故曰成性成性存存謂久于中正而
弗失也乾坤易之門易出乾為道門入坤為義門故

道義之門疏

易謂至矣乎 易謂坎離謂既濟也既濟剛柔正而位當故坎上離下六爻得

位二五為中和故行中和周禮師氏曰至德以為道本鄭彼注云至德中和之德履燾持載含容者也子曰中庸其至矣乎亦謂中和為至德故鄭注周禮引此為證也 崇高至廣業 崇高釋詁文鬼谷子曰與陽言者依崇高與陰言者依卑小故云乾為崇坤為廣生故為廣乾為德故乾二居坤五為崇德坤為業

欽坤五居乾二為廣業乾五坎也坤二離也易謂坎
離故聖人以崇德廣業爻往二五為中故曰崇廣在
三四為不中故曰進修 乾以至地二 知讀如字
乾以易知積善成德故知崇坤為體二正陰位而居
下體故體卑四畫以上為天故崇效天五三畫以下
為地故卑法地二 位謂至中矣 此虞義也參同
契曰天地者乾坤之象也設位者列陰陽配合之位
即六畫之位也乾天坤地乾坤各三爻故天地設位
參同契又曰易謂坎離坎者乾坤二用二用无爻
位周流行六虛往來既不定上下亦无常魏伯陽釋
此傳皆易先師之義故虞氏用其說出乾為息入坤
為消乾坤六爻獨无坎離故无爻位坎戊離已居中
央土四方故易行乎其中也 成之至之門 成之
者性故曰成性虞義也成性性之合于中和者也中
庸曰中庸其至矣乎民鮮能久矣鄭氏謂人罕能久
行又曰回之為人也擇乎中庸得一善則拳拳服膺

而弗失之矣是久于中正而弗失存存之義也乾坤
易之門下傳文乾為道門坤為義門亦虞義出乾為
道門入坤為義門言
道義從乾坤出也

聖人有以見天下之賾而儼諸其形容注乾稱聖人謂
庖犧也賾謂初自上儼下稱儼形容謂陰在地成形
者也象其物宜是故謂之象注物宜謂陽遠取諸物
在天成象故象其物宜謂三才八卦在天也庖犧重
為六畫也聖人有以見天下之動注重言聖人謂文
王也動謂六爻而觀其會通以行其等禮注六爻發

揮乾坤交而亨亨者通也亨者嘉之會也故觀其會
通嘉會足以合禮故以行其等禮禮立言曰聖人等
之以禮春秋傳曰講禮于等繫辭焉以斷其吉凶是
故謂之爻注辨吉凶者存乎辭故繫辭焉以斷其吉
凶定之以吉凶所以斷也言天下之至賾而不可惡
也注惡讀為亞亞次也至賾无情故不可次言天下
之至賾而不可亂也注賾當為動亂治也至動故不
可治儼之而後言儀之而後動儼儀以成其變化注

初辭擬之間焉而以言故擬之而後言儀度也將舉
事必先于此儀之故儀之而後動擬儀者變化之所

由出也故以成其變化

疏 乾稱至者也

乾五為聖人文王書經繫

庖犧于九五故謂庖犧也

下傳曰探賾索隱虞彼注

云賾初也初隱未見故探賾太玄曰陰陽所以抽賾

賾情也京氏訓同易之屯太玄準為賾初一日黃純

于潛測曰化在賾也范望注云陽氣潛在地下養萬

物之根菱故云化在賾若然賾訓為情乃情之未動

者故知賾謂初乾上坤下以乾擬坤故云自上擬下

稱擬易之大義上經終坎离下經終既濟未濟上繫

終乾坤下繫終六子則上下經與上下繫相表裏上

經象陽下經法陰復為陽初始為陰初六日七分之

法陽起中孚陰起咸乾元坤元天地之心為易之本

故上繫七爻起于中孚鳴鶴在陰下繫十一爻起於咸
咸憧憧往來此傳發端言聖人見天下之賾謂中學
咸也易彰往而察來而微顯闡幽故擬諸其形容也
以乾擬坤陰在地成形地形有高下故稱容周禮函
人曰凡為甲必先為容鄭衆注云容謂象式甲有大
小長短猶地形有高下故云形容謂陰在地成形者
也物宜至畫也此虞義也物宜為陽陽即乾也
下傳云遠取諸物乾為遠為物象謂三才在天成象
故象其物宜日月在天成八卦象謂天三爻故云三
才八卦在天也以地兩之為六畫故云庖犧重為六
畫也重言至六爻此虞義也庖犧畫卦文王書
經傳兩稱聖人故知庖犧及文王也上言象謂三才
八卦之象此言爻道有變動故曰爻知動謂六爻也
六爻至於等動謂六爻之動則會通乃六爻發
動揮變也乾坤交而亨天地交而萬物通也亨者通
于夏義也陰陽相應為嘉故亨者嘉之會也嘉屬五

禮嘉會禮通故以行其等禮鄭注樂記云等階級也
又有等如禮之有階級故曰等禮禮立言者大戴記
立言篇也春秋傳者昭十三年傳文晉語曰從其等
禮也韋昭云從尊卑之等謂之禮是等禮之義也
惡讀至可次 惡讀為亞荀義也古惡亞字通說文
曰亞醜也是亞即惡也又云賈侍中以為次第也故
釋言云亞次也尚書大傳曰王升舟入水鼓鐘惡觀
臺惡將舟惡鄭彼注云惡讀為亞亞訓次次猶仲也
漢時有玉印曰周惡父印識者以為條侯亞父條侯
為勃少子故稱亞魯文公子惡衛臣有石惡皆讀為
亞伯仲之稱也史記盧綰孫他之封惡谷侯漢書作
亞知惡亞同物惡訓為次京房曰賈逵注左
傳曰賈至也至賈無情情之未動如喜怒哀樂之未
發其道微妙故不可次擬之具形容象其物宜所以
次之也 賈當至可治 賈當為動鄭義也虞本作
動云舊誤作賈也亂治釋詁文論語曰予有亂十人

馬融注云亂治也六爻發揮變動不拘故不可治觀其會通以行其等禮繫辭焉以斷其吉凶所以治之也故下繫云極天下之賾者存乎卦鼓天下之動者存乎辭初辭至變化初辭擬之下繫文問焉而以言謂問于易而後言以言者尚其辭故擬之而後言儀度許慎義也鄭注尚書大傳曰射王極之度也射人將發矢必先于此儀之發矢則必中于彼矣君將出政亦先于朝廷度之出則應于民心射其象者也以易為度先于此儀之而後舉事則動无不中故儀之而後動擬之儀之變化從此而出故以成其變化通志成務之謂也鳴鶴在陰其子和之我有好爵吾與爾靡之子曰君子居其室注二變體復君子謂復初陰消入坤艮為居巽陽隱室故居其室出其言善則千里

之外應之況其邇者乎注復初出震震為出為言元者善之長故曰善坤數十震為百里十之十里也外謂震巽同聲同聲者相應故十里之外應之邇謂坤坤為順二變順初故況其邇者乎居其室出其言不善則千里之外違之況其邇者乎注坤初為不善消二成遯弑父弑君故千里之外違之況其邇者乎上繫首中孚陽之始也聖人慎其幾故以善不善言之下繫首咸陰之始也聖人知其化故以屈信往來言

之言出乎身加乎民注震為出為言坤為身為民也
行發乎邇見乎遠注震為行坤為邇乾為遠兌為見
謂二發應五則千里之外故行發乎邇見乎遠也言
行君子之樞機樞機之發榮辱之主也注震為春門
故為樞又為動故為機陽息為榮陰消為辱震為主
故榮辱之主言行君子之所以動天地也可不慎乎
注巽以風動天震以雷動地艮為慎故可不慎乎易
曰正其始萬物理君子慎始差以毫釐繆以千里此

之謂也疏

二變至其室 君子謂陽中孚二失位變體復故君子謂復初復自坤來陰消剥上

入坤剥艮為居坤初巽爻陽復巽初巽陽隱室故居具室言微陽應卦中孚時也 復初至者乎 復之

初震也故震為出為言復初元也元者善之長也故出其言善坤數十以下虞義也天九地十故坤數十

震驚百里十之故千里巽反震故言外震雷巽風同聲相應故千里之外應之坤為近故通謂二變體坤

而順於初故況其邇者乎 坤初至言之 文言曰積不善之家必有余殃虞彼注云坤積不善故知坤

初為不善謂遯時也遯消二成遯艮子弑父至三成否坤臣弑君故千里之外違之況其邇者乎陽稱幾

慎其幾謂隱惡而揚善辯之早也陰稱化知其化謂窮神知化德之盛也淮南齊俗曰唯聖人知其化高

誘注云其化視陰入陽從陽入陰唯聖人知之也震為至遠也 此虞義也陽自下升而臨坤故加乎

民二發應五據中孚二五相應言言出乎身行言發乎通者大戴禮曾子疾病篇曰言不遠身言之主也行不遠身行之本也是其義也震為至之主鄭注云樞戶樞也機弩牙也震為卯卯為開門故為樞鄭注大學曰機發動所由震為動故為機此荀義也荀以艮為門今不用也乾陽息卦乾初積善有餘慶故陽息為榮坤陰消卦坤初積不善有餘殃故陰消為辱震主器故榮辱之主巽以至謂也巽為風乾為天巽伏乾初故以風動天震為雷坤為地震伏坤初故以雷動地此上虞義也虞唯以五體巽為風動天今不用也呂氏春秋曰今室閉戶牖動天地一室也言一室脩德可以動天地中孚五艮艮為慎故可不慎乎易曰以下十翼之逸文始謂初也正陽在下為聖人故正其始萬物理陽息則正謂復初陰消則不正謂遯初故君子慎始龜策謂纖介也不正在纖介之間而遯之在下里之外故云繆以千里也參

同契述此義云君子居其室出其言善則千里之外應之謂萬乘之主處九重之位發號出令順陰陽節藏器俟時勿違卦月謹候日辰審察消息纖介不正悔吝為賊二至改度乖錯委曲隆冬大暑盛夏霜雪二分縱橫不應漏刻水旱相伐風雨不節蝗蟲湧沸羣異旁出言卦氣不效也董子亦云君人者國之元發言動作萬物之樞機樞機之發榮辱之端失之毫釐駟不及追故為人君者謹本詳始敬小慎微皆發明此傳

之義也

同人先號咷而後笑子曰君子之道或出或

處或默或語注乾為道為君子故稱君子之道同人

反師震為出為語坤為默巽為處故或出或處或默

或語也二人同心其利斷金注乾為人二人謂二五

坎為心巽為同故二人同心巽為利乾為金以離斷
金故其利斷金同心之言其臭如蘭注臭氣也蘭香
草震為言巽為蘭離日燥之故其臭如蘭二五同姓
故言臭春秋傳曰辟諸草木吾臭味也疏乾為至語也此虞

義也同人卦辭曰利君子貞注云君子謂二五二五
得正乾為道為君子故云君子之道虞注同人云旁
通師卦而稱反師者否泰反其類亦得言反也同人
反師師震為出為語鬼谷子曰擇之者閑也言也陽
也闔之者閑也默也陰也故坤為默二體巽為處巽
陽藏室故為處也乾為至斷金卦名同人同人
體乾故乾為人五正應二故二人謂二五坎為心巽
為同二五同性同性則同德同德則同心故二人同

心巽近利市故為利乾為金二體离以离火斷金故其利斷金此虞義也虞以二人為夫婦震為夫巽為婦今不用也 臭氣至味也 說卦曰巽為臭虞彼注云臭氣也風至知氣巽二入艮鼻故為臭引此傳為証故知臭氣指巽也詩溱洧曰方秉蘭兮毛傳云蘭蘭也陸璣疏云蘭即蘭香草也荀子宥坐篇曰芷蘭生於深林非以元人而不芳故云蘭香草巽柔又為草又為臭故為蘭燥萬物者莫熯乎火离日燥之芳臭發越故其臭如蘭此上虞義也同人天在上火炎上其性同故二五同姓春秋傳者襄二十二年傳文彼鄭公孫僑對晉君語晉鄭同姓故云辟諸草木吾臭味也同姓則同德同德合義異德合姓二五同姓合義不合姓 初六藉用白茅无咎注其初難和陰故比諸臭味也 初六藉用白茅无咎注其初難和陰又失正故獨舉初六子曰苟錯諸地而可矣藉之用

茅何咎之有慎之至也注苟或錯置也頤坤為地故

苟錯諸地初為四藉與四易位故藉之用茅何咎之

有頤艮為慎坤為至故慎之至也夫茅之為物薄而

用可重也注陰道柔賤故薄香潔可貴故可重慎斯

術也以往其无所失矣注術道也乾為道初往四下

體成乾故慎斯術也以往得位故无所失矣疏其初至初

六此虞義也其初難知陰陽之微故難知六居初為失位上繫七爻下繫十一爻獨此舉初六者言當

辯之早也苟或至至也初在下故言地旁通頤
頤坤為地錯諸地則安故苟錯諸地而可矣此上虞

義也初以柔藉四故初為四藉初四失正與四易位則无咎故藉之用茅何咎之有順艮為慎坤為至君子慎始初變之正故慎之至也陰道至可重此虞義也陰為柔為賤故陰道柔賤用以藉四與四易位則可以薦鬼神羞王公故云香潔可貴也街道至失矣說文曰術邑中道也故云術道也艮為慎初往居四四來居初則下體成乾故云慎斯術也以往陰陽得位故云具无所失矣

勞謙君子

有終吉子曰勞而不伐有功而不置厚之至也注坎

為勞五多功置當為德乾為德以上之貴下居三賤故勞而不伐有功而不德艮為厚坤為至故厚之至也語以其功下人者也注震為語五多功下居三故

以其功下人者也德言盛禮言恭嘽也者致恭以存
其位者也注乾為盛德旁通履履者禮也嘽以制禮
三從上來體坎坎折坤體故恭震為言故德言盛禮
言恭上无位知存而不知亡降之三得位故致恭以

存其位者也疏

坎為至至也此虞鄭義也三互坎坎勞卦故為勞上據五故五多功置

古文德字從直心傳寫訛為置故云置當為德上本乾故乾為德上九貴而无位三多凶貴賤之等故云以上之貴下居三賤三體艮艮為厚應在坤坤為至故厚之至也震為至者也此虞義也三自上降故曰下人乾為至者也乾三積善成德虞注下繫云盛德乾三故乾為盛德嘽以制禮下繫文虞彼

注云陰稱禮嘽三以一陽制五陰萬民服故以制禮
鴻範曰貌曰恭三從上來互體坎坎折坤體磨折之
容故云恭三互震為言故德言盛禮言恭也乾上以
陽居陰故元位陽為存陰為亡上知存而不知亡之
三得位謂以陽居陽故
致恭以存其位者也
亢龍有悔子曰貴而无位高

而无民賢人在下位而无輔是以動而有悔也注義
具文言傳不出戶庭无咎子曰亂之所生也則言語
以為階注節本泰卦坤為亂震為生為言語坤稱階
故亂之所生則言語為之階也君不密則失臣臣不
密則失身注泰乾為君坤為臣為閉故稱密乾三之

坤五君臣毀賊故君不密則失臣坤五之乾三坤體
毀壞故臣不密則失身坤為身也幾事不密則害成
注幾初也二已變成坤坤為事初不密動體剝故幾
事不密初辭擬之卒成之終故害成也是以君子慎
密而不出也注君子謂初二動坤為密故君子慎密
初利居貞故不出也疏節本至階也此虞義也節泰三之五故云節本泰卦坤
反君道故為亂震春為生震善鳴故為言語坤土故
為階也泰乾至身也此虞義也乾以君之故乾
為君陰臣道故坤為臣鄭注云密靜也坤靜也翕又
為闔戶故為閉退藏于密故為密也三之五乾坤體

壞故君臣毀賊五之乾坤體壞故失身坤躬為身也
幾初至成也鄭注云幾微也幾者動之微故幾
謂初二失位變互坤臣道知事故坤為事初利居貞
動體剝故幾事不密初辭擬之卒成之終坤為害故
害成此兼虞義也君子至出也此虞義也初得
位故君子謂初二動互坤坤為密艮為慎故君子慎
密初利居貞而子曰為易者其知盜乎注為易者謂
應四故不出也

文王否上之二成困三暴嫚以陰乘陽二變入宮為
萃五之二奪之成解坎為盜故為易者其知盜乎易
曰負且乘致寇至負也者小人之事也注陰稱小人
坤為事以賤倍貴違禮悖義故小人之事也乘也者

君子之器也注君子謂五器坤也坤為大舉故乘君子之器小人而乘君子之器盜思奪之矣注小人謂三既違禮倍五復乘其車五來之二成坎坎為盜思奪之矣為易者其知盜乎此之謂也上嫚下暴盜思伐之矣注三倍五上嫚乾君而乘其器下暴于二二藏于坤五來寇三以離戈兵故稱伐之坎為暴也嫚藏悔盜野容悔淫注坎心為悔坤為藏兌為見故嫚藏三動成乾為野坎水為淫二變藏坤則五奪之故

嫚藏悔盜野容悔淫易曰負且乘致寇至盜之招也


注二藏坤時艮手招盜故盜之招䷖

為易至盜乎此虞義也釋解

三爻辭故知為易者謂文王虞注困卦曰否二之上故云否上之二成困困三不正上嫚於五下暴于二故三暴嫚困三傳曰據於蒺藜乘剛也故以陰乘陽經云入于其宮虞彼注云二動艮為宮故二變入宮為萃萃五之二奪三成解五之二體坎坎為盜故為易者具知盜乎案虞注萃卦云觀上之四注解卦云臨初之四今言萃自困來解自萃來者彼從四陰二陽之例此從爻例故也陰稱至事也此虞義也下註云小人謂三此小人亦謂困三而云陰稱小人者以對下君子言陽稱君子故陰稱小人也負讀為倍三以四艮倍五故云以賤倍貴賤倍貴猶下倍上故云違禮悖義小人之事也君子至之器五謂

困五五得正稱君子坤形而下者故云器坤也坤為
大車三在坤上故乘君子之器小人至謂也此
虞義也三失位故小人謂三三違事君之禮而倍五
乾在坤上稱君子德車三乘其車非其人也五之二
成解解二體坎坎為盜為思故盜思奪之矣五之二
失正若然乘君子之器者盜也奪之者亦盜也故云
為易者其知盜乎此之謂也三倍至暴也此虞
義也上謂五下謂二三倍五上嫚乾五之君而竊乘
其器下乘剛而暴於二故上嫚下暴二變入宮體坤
坤以藏之故藏於坤五之二寇三故云五來寇三解
互離故以離戈兵聲罪致討故稱伐之三傳曰自我
致戎虞氏謂以離兵伐三故轉寇言戎以成三惡坎
盜故為暴也坎心至悔淫此虞義也二體坎坎
心為悔困萃皆有兌象故兌為見藏而見是嫚藏也
野容鄭氏謂飾其容而見於外曰野謂婦人出无擁
蔽猶野處也列女傳載華孟姬曰車奔姬墮使侍御

者舒幃以自幃蔽曰妾聞野處則幃裳擁蔽所以正
心一意自斂制也頌曰孟姬好禮執節甚公避嫌遠
別終不野容是其義也三動成乾乾為野坎為欲為
水故云坎水為淫二變藏坤則五來奪之奪之謂奪
三三為盜為淫而為五所奪故嫚藏悔盜野容悔淫
王弼本野作冶悔作誨非虞義也二藏至之招
此虞義也二謂萃二二藏坤時四體
艮艮為手艮手招盜故盜之招也



周易述卷十五